



აკაკი წერეთლის  
სახელმწიფო უნივერსიტეტი

წარმომადგენლობითი საბჭო

BOARD OF REPRESENTATIVES OF AKAKI  
TSERETELI STATE UNIVERSITY

თამარ მეფის ქ. № 59  
მის: 4600, საქართველო, ქუთაისი

ტელ: (+995 431 244778) ფაქსი (+995 331) 24 38 33  
ელ. ფოსტა [atsu@atsu.edu.ge](mailto:atsu@atsu.edu.ge)

საჯარო სამართლის იურიდიული პირის –  
აკაკი წერეთლის სახელმწიფო უნივერსიტეტის  
წარმომადგენლობითი საბჭოს დადგენილება

№ 133

სსიპ - აკაკი წერეთლის სახელმწიფო უნივერსიტეტის  
აკადემიური პერსონალის აფილირების წესის დამტკიცების შესახებ

ქ. ქუთაისი

22 ნოემბერი 2017 წ.

1. დამტკიცდეს სსიპ - აკაკი წერეთლის სახელმწიფო უნივერსიტეტის აკადემიური პერსონალის  
აფილირების წესი წარმოდგენილი სახით.  
(აფილირების წესი თან ერვს)

2. დადგენილება ძალაშია საჯაროდ გამოცხადებისთანავე.

წარმომადგენლობითი საბჭოს  
სპიკერი:

პროფ. სულხან კუპრაშვილი

**სსიპ - აკაკი წერეთლის სახელმწიფო უნივერსიტეტის  
აკადემიური პერსონალის აფილირების წესი**

**მუხლი 1. ზოგადი დებულებები**

1. წინამდებარე წესი არეგულირებს სსიპ - აკაკი წერეთლის სახელმწიფო უნივერსიტეტის (შემდეგში – აწსუ) აკადემიური პერსონალის აფილირების წესსა და პირობებს, ადგენს აფილირებასთან დაკავშირებით აკადემიური პერსონალისა და უნივერსიტეტის უფლებებსა და მოვალეობებს;
2. აწსუ-ში აფილირება წარმოადგენს საკადრო პოლიტიკის და პერსონალის მართვის შემადგენელ კომპონენტს, რომელმაც უნდა შექმნას შიდასაუნივერსიტეტო კონკურენტული აკადემიური გარემო, გაზარდოს აკადემიური პერსონალის მოტივაცია და აქტივობა;
3. წინამდებარე წესით დადგენილი პროცედურები გამჭვირვალეა და ინფორმაცია მისი თითოეული ეტაპის შესახებ ღია, ხელმისაწვდომი და ადვილად აღქმადია დაინტერესებულ პირთათვის.

**მუხლი 2. ტერმინები და განმარტებები**

ამ წესში გამოყენებულ ტერმინებს აქვთ შემდეგი მნიშვნელობა:

- ა) **აფილირება** – წინამდებარე წესის მიზნებისათვის, უნივერსიტეტსა და აკადემიური თანამდებობის მქონე პირს შორის წერილობითი შეთანხმება (აფილირების განაცხადი), რომლითაც თითოეული აკადემიური თანამდებობის მქონე პირი განსაზღვრავს თავის აფილირებას მხოლოდ უნივერსიტეტთან.
- ბ) **აფილირებული აკადემიური პერსონალი** – აკადემიური თანამდებობის მქონე პირი, რომელსაც უნივერსიტეტთან წერილობით გაფორმებული აქვს აფილირების განაცხადი;
- გ) **აფილირების განაცხადი** – წერილობითი შეთანხმება, რომელიც გაფორმებულია უნივერსიტეტსა და მის აკადემიურ თანამდებობაზე მყოფ პირს შორის აფილირებასთან დაკავშირებით;

**მუხლი 3. აფილირებულ აკადემიურ პირთა უფლებები და ვალდებულებები:**

1. აფილირება არის ნებაყოფილობითი. აწსუ-ში აფილირებული შეიძლება იყოს აკადემიური თანამდებობის მქონე პირი, რომელიც წერილობით დაადასტურებს აფილირების სურვილს, ეთანხმება და ასრულებს ქვემოთ მითითებულ პირობებს:
  - ა) აწსუ-ს სახელით მონაწილეობს საზოგადოების განვითარების, ცოდნის მიწოდებისა და გაზიარების პროცესებში;
  - ბ) აწსუ-ს სახელით ახორციელებს საგანმანათლებლო, კვლევით/სამეცნიერო საქმიანობას, რომლის კვლევის შედეგები წარმოადგენს აწსუ-ს და/ან მისი ძირითადი საგანმანათლებლო ერთეულების კვლევითი პროფილის შემადგენელ ნაწილს;
  - გ) აქტიურად არის ჩართული აწსუ-ში საგანმანათლებლო, კვლევით და სხვა მნიშვნელოვან საკითხებთან დაკავშირებით გადაწყვეტილების მიღების პროცესებში;
  - დ) აქტიურად არის ჩართული სტუდენტებისთვის კონსულტაციების გაწევისა და აკადემიური/სამეცნიერო ხელმძღვანელობის პროცესებში.

2. აწსუ-ში არ შეიძლება პირის აფილირება, თუ:
  - ა) პირი აფილირებულია სხვა უმაღლეს საგანმანათლებლო დაწესებულებაში;
  - ბ) აწსუ-ს გარდა დასაქმებულია სხვაგან, რის გამოც მას ხელი ეშლება აწსუ-ში დადგენილი აფილირების მოთხოვნების სრულად დაკმაყოფილებაში, რაც მოწმდება სასწავლო პროცესის მიმდინარე მონიტორინგითა და აკადემიური დატვირთვის წლიური მოცულობის შესრულების გაკონტროლებით;
3. აფილირებული პირი ასრულებს ყველა იმ მოვალეობას და სარგებლობს ყველა იმ უფლებით, რომელიც აწსუ-ში დადგენილია შესაბამისი აკადემიური თანამდებობისათვის და მასთან გაფორმებული შრომითი ხელშეკრულებით;
4. უნივერსიტეტისათვის მოწოდებული ინფორმაციის სისრულესა და უტყუარობაზე პასუხისმგებელია აფილირებული პირი.

**მუხლი 4. აფილირებული აკადემიური პირების მიმართ უნივერსიტეტის ვალდებულებები:**

1. აფილირება შესაძლებელია აკადემიური თანამდებობის მქონე პირის შრომითი ხელშეკრულების მოქმედების ვადით;
2. აფილირებულ პირებისათვის მოქმედებს შემდეგი წესები:
  - ა) აწსუ აფინანსებს (სრულად/ნაწილობრივ) აფილირებული პირის მიერ აწსუ-ს სახელით გამოსაცემად მომზადებულ სახელმძღვანელოს/მეთოდურ მასალას (შესაბამისი ფაკულტეტის საბჭოს წარდგინებისა და აკადემიური საბჭოს დადებითი რეკომენდაციის შემთხვევაში) და გამოსაქვეყნებლად მომზადებულ *სტატიას/კუბლიკაციას* (შესაბამისი ფაკულტეტის საბჭოს წარდგინებისა და რექტორის თანხმობის შემთხვევაში);
  - ბ) აფილირებული პირის მიერ აწსუ-ს სახელით საერთაშორისო ფორუმებში/კონფერენციებში მონაწილეობის შემთხვევაში, აწსუ აფინანსებს (სრულად/ნაწილობრივ) შესაბამის ხარჯებს, იყენებს წახალისების მექანიზმს (ერთჯერადი ფულადი ჯილდო, პრემია, ხელფასის დანამატი და სხვ.), შესაბამისი ფაკულტეტის საბჭოს წარდგინების შემთხვევაში;
  - გ) აწსუ-ს სახელით საერთაშორისო ფორუმებში/კონფერენციებში აფილირებული პირის მიერ მომზადებული სტუდენტის მონაწილეობის შემთხვევაში, აწსუ აფინანსებს (სრულად/ნაწილობრივ) შესაბამის ხარჯებს და აფილირებული პირის მიმართ იყენებს წახალისების მექანიზმს (ერთჯერადი ფულადი ჯილდო, პრემია, ხელფასის დანამატი და სხვ.), შესაბამისი ფაკულტეტის საბჭოს წარდგინების შემთხვევაში;
  - დ) აწსუ აფინანსებს (სრულად/ნაწილობრივ) აფილირებული პირის მიერ კვლევითი/სამეცნიერო საქმიანობის განხორციელებას (რომლის შედეგები ეთვლება აწსუ-ს), შესაბამისი ფაკულტეტის საბჭოს წარდგინების შემთხვევაში, მათ შორის:
    - და.ა) ერთწლიან წვდომას აფილირებული პირის მიერ არჩეულ საერთაშორისო ელექტრონული ჟურნალის მასალებთან, რომლებიც დაკავშირებულია კვლევის სფეროებთან;
    - და.ბ) შიდასაუნივერსიტეტო (საფაკულტეტო) სამეცნიერო თუ გამოყენებით საგრანტო პროექტებს;
  - ე) ამ წესით განსაზღვრული აფილირებული აკადემიური პერსონალის დაფინანსების ოდენობა (სრული/ნაწილობრივი) და წახალისების მექანიზმები (ერთჯერადი ფულადი ჯილდო,

პრემია, ხელფასის დანამატი და სხვ.) განისაზღვრება ფაკულტეტის საბჭოს წარდგინებით უნივერსიტეტის რექტორის მიერ;

ვ) მხოლოდ აფილირებულ პირს შეიძლება მიენიჭოს ემერიტუსის წოდება;

3. აფილირებულ პირებს აქვთ გარკვეული კვოტა აწსუ-ს არჩევითი ორგანოების შემადგენლობაში (თითოეულ ფაკულტეტს თანაბარი რაოდენობის აფილირებული წარმომადგენელი), რაც განისაზღვრება აწსუ საარჩევნო კოდექსით.

#### მუხლი 5. აფილირების გაუქმება

1. აფილირების გაუქმების საფუძველია:

ა) აფილირებული პირის წერილობითი განცხადება აფილირების გაუქმების შესახებ;

ბ) შრომითი ხელშეკრულების (აკადემიურ თანამდებობაზე არჩევის) ვადის ამოწურვა/ვადამდე შეწყვეტა;

გ) აწსუ-ს აკადემიური საბჭოს გადაწყვეტილება აფილირების გაუქმების შესახებ, აფილირებული პირის მიერ წინამდებარე წესში მითითებული პირობების ან/და ინდივიდუალური ყოველწლიური დატვირთვის მოთხოვნების დარღვევის/შეუსრულებლობის ან/და ატესტაციის მოთხოვნებთან შეუსაბამობის შემთხვევაში;

დ) საქართველოს მოქმედი კანონმდებლობით, აწსუ-ს შინაგანაწესით და შრომითი ხელშეკრულებით დადგენილი შემთხვევები, რომლებიც იწვევენ შრომითი ხელშეკრულების ვადამდე შეწყვეტას.

2. აფილირების გაუქმება არ იწვევს აკადემიურ თანამდებობაზე არჩევის გაუქმებას და შრომითი ხელშეკრულების ვადამდე შეწყვეტას;

#### მუხლი 6. გარდამავალი დებულებები

1. დამტკიცდეს აწსუ-ს აკადემიური პერსონალის აფილირებასთან დაკავშირებით განაცხადის ფორმა დანართის სახით.
2. აფილირებასთან დაკავშირებით განაცხადები ვიზირებული უნდა იქნას ფაკულტეტების დეკანების მიერ.
3. წარმოდგენილი განაცხადების ანალიზის საფუძველზე, წინამდებარე წესისა და აწსუ-ს შინაგანაწესის მოთხოვნათა გათვალისწინებით, განისაზღვროს აწსუ-ში აფილირებული პირები;
4. აფილირებული პროფესორების სია უნდა გამოქვეყნდეს უნივერსიტეტის ვებ-გვერდზე;
5. აფილირებულ პირთა შესახებ ინფორმაციის თავმოყრა, შესაბამის ბაზაში შეყვანა და პერიოდული მონიტორინგი, თავიანთი კომპეტენციის ფარგლებში, დაევალოს აწსუ ადამიანური რესურსების მართვის სამსახურსა და აწსუ სასწავლო პროცესის მართვის სამსახურს;

აწსუ-ს აკადემიური თანამდებობის პირის განაცხადი აწსუ-სთან აფილირების შესახებ

1. პირადი ინფორმაცია განმცხადებლის შესახებ:

|                                |  |
|--------------------------------|--|
| სახელი                         |  |
| გვარი                          |  |
| პირადი ნომერი                  |  |
| რეგისტრაციის მისამართი         |  |
| ფაქტიური მისამართი             |  |
| ტელეფონი                       |  |
| ელ-ფოსტა                       |  |
| აწსუ-ში დაკავებული თანამდებობა |  |

2. აფილირების შესახებ განაცხადი

გავეცანი და ვეთანხმები აწსუ-ს წარმომადგენლობითი საბჭოს 2017 წლის 22 ნოემბრის №\_\_\_\_\_ დადგენილებით დამტკიცებულ „სსიპ - აკაკი წერეთლის სახელმწიფო უნივერსიტეტში აკადემიური პერსონალის აფილირების წესს“.

ვაცხადებ, რომ დასაქმებული ვარ მხოლოდ აწსუ-ს აკადემიურ თანამდებობაზე (არ ვმუშაობ შეთავსებით სხვა დაწესებულებაში) და მსურს ვიყო სსიპ - აკაკი წერეთლის სახელმწიფო უნივერსიტეტში აფილირებული პირი.

გთხოვთ თქვენს თანხმობას.

3. პერსონალური ინფორმაციის დამუშავების შესახებ განმცხადებლის თანხმობა:

თანხმობას ვაცხადებ აწსუ-სთან შრომითი სამართლებრივი სახელშეკრულებო ურთიერთობის პერიოდში აწსუ-ს მიერ დამუშავებული იქნას ჩემი პერსონალური ინფორმაცია აფილირების წესის მოთხოვნათა შესრულების უზრუნველსაყოფად ან/და აწსუ-ს საქმიანობის ფარგლებში სხვა კანონიერი საჭიროებიდან გამომდინარე.

განმცხადებლის ხელმოწერა \_\_\_\_\_

ფაკულტეტის დეკანის ხელმოწერა \_\_\_\_\_

რექტორი გიორგი ღავთაძე \_\_\_\_\_

აწსუ-ს აკადემიური თანამდებობის პირის განაცხადი აწსუ-სთან აფილირების შესახებ

1. პირადი ინფორმაცია განმცხადებლის შესახებ:

|                                |  |
|--------------------------------|--|
| სახელი                         |  |
| გვარი                          |  |
| პირადი ნომერი                  |  |
| რეგისტრაციის მისამართი         |  |
| ფაქტიური მისამართი             |  |
| ტელეფონი                       |  |
| ელ-ფოსტა                       |  |
| აწსუ-ში დაკავებული თანამდებობა |  |

2. აფილირების შესახებ განაცხადი

გავეცანი და ვეთანხმები აწსუ-ს წარმომადგენლობითი საბჭოს 2017 წლის 22 ნოემბრის № \_\_\_\_\_ დადგენილებით დამტკიცებულ „სსიპ - აკაკი წერეთლის სახელმწიფო უნივერსიტეტში აკადემიური პერსონალის აფილირების წესს“.

ვაცხადებ, რომ დასაქმებული ვარ/ვაპირებ დავსაქმდე სხვა დაწესებულებაში, სადაც ჩემი სამუშაო დატვირთვა და განრიგი ხელს არ შემიშლის სრულად შევასრულო აწსუ-ში დაკავებული აკადემიური თანამდებობისათვის დადგენილი აკადემიური დატვირთვა და აწსუ-სთან აფილირებული პირისათვის განსაზღვრული მოთხოვნები. აწსუ-ს აკადემიურ თანამდებობას მივიჩნევ ჩემს ძირითად სამუშაოდ. მსურს ვიყო სსიპ - აკაკი წერეთლის სახელმწიფო უნივერსიტეტში აფილირებული პირი.

გთხოვთ თქვენს თანხმობას.

(შეავსეთ ქვემოთ მოცემული გრაფები)

| დაწესებულების დასახელება | დაკავებული თანამდებობა (შესასრულებელი სამუშაოს მოკლე აღწერა) | სამუშაო დღეები და საათები | სასწავლო კურსი, კრედიტი, სთ-ების მოცულობა, სამუშაოს სახე (ლექცია, ლაბორატ.სამუშაო და სხვ.) |
|--------------------------|--------------------------------------------------------------|---------------------------|--------------------------------------------------------------------------------------------|
|                          |                                                              |                           | შენიშვნა:<br>აღნიშნული გრაფა ივსება იმ პირების მიერ, ვინც ეწევა                            |

|  |  |  |                                                  |
|--|--|--|--------------------------------------------------|
|  |  |  | აკადემიურ<br>დაქმიანობის სხვა<br>დაწესებულებაში. |
|--|--|--|--------------------------------------------------|

3. პერსონალური ინფორმაციის დამუშავების შესახებ განმცხადებლის თანხმობა:

თანხმობას ვაცხადებ აწსუ-სთან შრომითი სამართლებრივი სახელშეკრულებო ურთიერთობის პერიოდში აწსუ-ს მიერ დამუშავებული იქნას ჩემი პერსონალური ინფორმაცია აფილირების წესის მოთხოვნათა შესრულების უზრუნველსაყოფად ან/და აწსუ-ს საქმიანობის ფარგლებში სხვა კანონიერი საჭიროებიდან გამომდინარე.

განმცხადებლის ხელმოწერა: \_\_\_\_\_

ფაკულტეტის დეკანის ხელმოწერა: \_\_\_\_\_

რექტორი გიორგი ღავთაძე \_\_\_\_\_